

龍洲詞一卷

劉過

龍洲詞

目錄

- | | | |
|---------|--------|--------|
| 六州歌頭三調 | 沁園春十五調 | 八聲甘州一調 |
| 四犯翦梅花一調 | 小桃紅一調 | 天仙子一調 |
| 竹香子一調 | 賀新郎七調 | 水龍吟一調 |
| 念奴嬌一調 | 滿江紅二調 | 水調歌頭二調 |
| 祝英臺近二調 | 轆轤金井一調 | 糖多令一調 |
| 臨江仙一調 | 蝶戀花一調 | 謁金門二調 |
| 鷓鴣天一調 | 柳梢青一調 | 好事近一調 |
| 清平樂一調 | 醉太平一調 | 長相思一調 |
| 西江月一調 | | |

龍洲詞目錄終

龍洲詞

宋 劉 過

六州歌頭（弔武穆鄂王忠烈廟）

中興諸將。誰是萬人英。身草莽。人雖死。氣填膺。尙如生。年少起河北。劍三尺。弓兩石。定襄漢。開
號洛。洗洞庭。北望帝京。狡兔依然在。良犬先烹。過舊時營壘。荆鄂有遺民。憶故將軍。淚如傾。
說當年事。知恨苦。不奉詔。僞耶真。臣有罪。陛下聖。可鑒臨。一片心。萬古分茅土。終不到。舊姦臣。
人世猶白日照。忽開明。袞佩冕。圭百拜。九原下。榮感君恩看。年年三月。滿地野花春。鹵簿迎神。

又（淮西帥李訥和仍爲書廟額）

高皇神武。善駕馭豪英。攘北狄。驅羣盜。命天膺。救蒼生。奈夢繞沙漠。隔溫清。屈和好。召大將。歸
兵柄。列樞庭。公指汴京。威已振河洛。不顧身烹。失一時機會。嗟左袵。吾民痛岳家軍。孰扶傾。
久沈冤憤。七十載。還復遇。帝王真。表遺烈。錫王號。日照臨。激士心。始識安劉計。甯禍已是忠臣。
我乘傳。訪壁壘。想精明。英氣凜然若在。仍題扁昭揭。天恩笑原頭荒草。一死不能春。交怨人神。

又

鎮長淮。一都會。古揚州。升平日。珠簾十里。春風小紅樓。誰知艱難去。邊塵暗。胡馬擾。笙歌散。衣
冠渡。使人愁。屈指細思。血戰成何事。萬戶封侯。但瓊花無恙。開落幾經秋。故壘荒邱。似含羞。

悵望金陵宅。丹陽郡山不斷。綢繆興亡夢。榮枯淚水東流。甚時休。野竈炊煙裏。依然是宿貔貅。嘆燈火。今蕭索。尙淹留。莫上醉翁亭看。濛濛雨。楊柳絲柔。笑書生無用。富貴拙身謀。騎鶴來遊。

沁園春（代壽韓平原）

玉帶金魚。綠鬢朱顏。神仙畫圖。把擎天柱石。空留綠野。濟川舟楫。閑倚西湖。天欲安劉。公歸重趙。許大元勳誰得如。平章看。直人如伊呂。世似唐虞。不須別樣規模。但收攬人才多用儒。況自昔軍中。膽能寒虜。而今胸次。氣欲吞吳。紫府真人。黑頭元宰。收斂神功。寂似無歸來好。正芝香棗熟。鶴瘦松癯。

又（張路分秋閣作）

萬馬不嘶。一聲寒角。令行柳營。見秋原如掌。鎗刀突出。星馳鐵騎。陣勢縱橫。人在油幢。我韜總制。羽扇從容。裘帶輕。君知否。是山西將種。曾繫詩名。龍蛇紙上。飛騰看落筆。四簷風雨。驚便塵沙出塞。封侯萬里。印金如斗。未愜平生。拂試腰間。吹毛劍在不斬樓蘭心不平。歸來晚。聽隨車鼓吹。也帶邊聲。

又（送辛幼安弟赴桂林官）

天下稼軒文章有弟。□看來遲正三齊盜起。兩河民散。勢傾上國。泛泛如杯。猛士雲飛。狂胡灰滅。幾會之來人共知。何爲者。望桂林西去。一騎星馳。離筵不用多悲。喚紅袖佳人分藕絲。種

黃柑千戶梅花萬屋等閒遊戲。畢竟男兒入幕來南。籌邊如北。翻覆手高來去棋。公餘且盡玉簪朱履。倩米元暉。

又（寄辛稼軒）

古豈無人可以似吾稼軒者。誰擁七州都督。雖然陶侃。機明神鑒。未必能詩。常袞何如。公羊聊爾。千騎東方。候會稽中原事。總匈奴未滅。畢竟男兒。平生出處。天知算。整頓乾坤。終有時。闕湖南賓客。侵尋去矣。江西戶口。流落何之。盡日樓臺。四邊屏障。目斷江山。魂欲飛。長安道。算世無劉表。王粲。躊躇。

又（寄孫竹湖）

問訊竹湖。竹如之何。如何未歸。道吳山越水。無非佳處。來無定止。去亦何之。只怕秋來。未能忘耳。心與輕雲一樣飛。愁無奈。但北窗寄傲。南澗題詩。人生萬事成癡。算世上久無公。是非恨。雲臺突兀。無君子者。雪堂流落。有美人兮。疏雨梧桐。微雲河漢。鐘鼎山林。無限悲。陽山縣。時昌黎誤汝。汝誤昌黎。

又（廬菊淵座上。時座中有新第宗室）

一劍橫空。飛過洞庭。又爲此來。有汝陽璉者。唱名殿陛。玉川公子。開宴尊罍。四舉無成。十年不調。大宋神仙劉秀才。如何好。將百千萬事。付兩三杯。未嘗戚戚于懷。嘆自古英雄安在哉。看

宋六十名家詞

四

錢塘江上潮生潮落。姑蘇城裏花謝花開。道號書生。強名舉子。漸老雪從頭上催。誰羨汝。擁三千珠履。十二金釵。

又（寄辛承旨。時承旨招不赴。注或作風雪。中欲詣稼軒。久寓湖上。未能一往。賦此以解。）

斗酒蕩肩。風雨渡江。豈不快哉。被香山居士。約林和靖。與坡仙老。駕勒吾回。坡謂西湖正如西子。濃抹淡妝。臨照臺二公者。皆掉頭不顧。只管傳杯。白云天竺去來。圖畫裏。嵯峨樓閣開。愛縱橫二澗。東西水繞。兩峯南北。高下雲堆。逋曰不然。暗香浮動。不若孤山先訪梅。須晴去。訪稼軒未晚。且此徘徊。

又（送人赴營道宰）

萬里湖南江山歷歷。此吾舊遊。看飛鳧仙子。張帆直上。周郎赤壁。鸚鵡滄洲。盡吸西江。醉中橫笛。人在岳陽樓上頭。波瀾靜。泛洞庭青草。東整蘭舟。長沙會府風流。有萬戶娉婷。簾玉鉤。恨楚城春晚。岸花橋燕。還將客送。不是人留。且喚陽城。更招元結。摩撫三關歌詠。休心期處。算世閒真有。騎鶴揚州。

又（贈豐城王禹錫）

自注銅瓶作梅花供。尊前數枝。說邊頭舊事。人生消得。幾番行役。問我何之。小隊紅旗。黃金作印。直待封侯知幾時。杯行處。想淋漓一醉。明日東西。如椽健筆驚飛。重爲寫春風陌上詞。便

平生豪氣。消磨酒裏。世間此樂。兒輩爭知。霜冷貂裘。夜寒如水。飲到月斜猶未歸。仙山路。有笙簧度曲。聲到琴絲。

又（遊湖）

柳思花情。湖山應怪。先生又來。想舊時談舌。依然解便。六丁奔走。驅斥風雷。翠袖傳觴。金貂換酒。痛飲何妨三百杯。人閒世。算謫仙去後。誰是天才。碧窗畫鼓。船齋胸次。與乾坤一樣開。試雲間招手。下呼餘子。逡巡去矣。但覺塵埃。若是花時。無風無雨。一日須來一百回。教人道。玉山自倒。不用人推。

又（蘇州黃尚書同夫人春聚遊報恩寺）

緩轡徐驅。兒童聚觀。神仙畫圖。放芹泥雨過。芹香路輦。金蓮自策。小小籃輿。傍柳題詩。穿花勸酒。艤蕊攀條得自如。山行處。有松篁夾道。不用傳呼。清泉石下。盤紆算風景。江淮各異殊。記東坡賦好。紗籠舊壁。西山句妙。簾捲晴虛。白玉堂深。黃金印大。無此文君載後車。杯行處。相淋漓醉墨。眞草行書。

又（美人指甲）

銷薄春冰。碾輕寒玉。漸長漸彎。見鳳襪泥污。偎人強剔。龍涎香斷。撥火輕翻。學撫瑤琴。時時欲剪。更掬魚鱗波底寒。纖柔處。試摘花香滿。鏤聚成斑。時將粉淚偷彈。記綰玉曾教柳傅看。算

恩情相著。搔便玉體。歸期暗數。畫偏闌干。每到相思。沈吟靜處。斜倚朱唇皓齒間。風流甚。把仙郎暗掐。莫放春閒。

又（美人足）

洛浦凌波。爲誰微步。輕塵暗生。記踏花芳徑。亂紅不損。步苔幽砌。嫩綠無痕。襯玉羅慳。銷金樣窄。載不起。盈盈一段春。嬉遊倦。笑教人款捻。微褪些根。有時自度歌聲。悄不覺。微尖點拍頻。憶金蓮移換。文鴛得侶。繡茵催袞。舞鳳輕分。懊恨深遮。牽情半露。出沒風前。煙縷裙知何似。似一鉤新月。淺碧籠雲。

八聲甘州（送湖北招撫吳獵）

問紫巖去後。漢公卿。不知幾貂蟬。誰能借留侯筴。著祖生鞭。依舊塵沙萬里。河洛染腥羶。誰識道山客。衣鉢曾傳。共記玉堂對策。欲先明大義。次第籌邊。況重湖八桂。袖手已多年。望中原馳驅去也。擁十州牙纛。正翩翩。春風早。看東南王氣。飛繞星躔。

四犯萼梅花（上建康錢大郎壽）

水殿風涼。賜環歸。正是夢熊華日。解連環。疊雪羅輕。稱雲章題扇。醉蓬萊。西清侍宴。望黃傘日。華寵輦。雪獅兒。金券三王。玉堂四世。帝恩偏眷。醉蓬萊。臨安記。龍飛鳳舞。信神明有後。竹梧陰滿。解連環。笑折花看橐。荷香紅潤。醉蓬萊。功名歲晚。帶河與礪山長遠。雪獅兒。麟脯杯行。猊

薦坐穩。內家宣勸。（醉蓬萊）

小桃紅（在襄州作。譜注詠美人畫扇）

曉（一昨晚非）入紗窗靜。戲弄菱花鏡。翠袖輕勻。玉纖彈去。小妝紅粉。畫行人。愁外兩青山。與尊前離恨。宿酒醺難醒。笑記香肩並。暖借蓮腮。碧雲微透。暈眉斜印。最多情。生怕外人猜。拭香津微搵。

天仙子（初赴省。別妾于三十里頭。或作水仙子誤）

別酒醺醺。渾易醉。回過頭來三十里。馬兒不住去如飛。牽一憩。坐一憩。斷送殺人山與水。是則是青山終可喜。不道恩情拚得未。雪迷村店酒旗斜。去則是住。則是煩惱自家煩惱。你

竹香子（同郭季端訪舊不遇有作）

一頂窗兒明快。料想那人不在。熏籠脫下舊衣裳。件件香難賽。匆匆去得忒瞋。這鏡兒也不曾蓋。千朝百日不會來。沒這些兒箇采。

賀新郎

彈鋏西來路。記匆匆。經行數日。幾番風雨。夢裏尋秋不見。秋在平蕪遠渚。想雁信。家山何處。萬里西風吹客鬢。把菱花自笑人憔悴。留不住。少年去。男兒事業無憑據。記當年。擊筑悲歌。酒酣箕踞。腰下光芒三尺劍。時解挑燈夜語。更忍對。燈花彈淚。喚起杜陵風雨手。寫江東。渭北

相思句。歌此恨。慰羈旅。

又（贈鄉人朱唐卿）

多病劉郎瘦。最傷心。天寒歲晚。客他鄉久。大舸翩翩何許至。元是高陽舊友。便一笑相歡攜手。與問武昌城下月。又何如。揚子江頭柳。追往事。兩眉皺。燭花自翦明如晝。喚青娥。小紅樓上。殷勤勸酒。昵昵琵琶恩怨語。春筍輕籠翠袖。看舞徹。金釵微溜。若見故鄉吾父老。道長安市上。強如舊。重會面。幾時又。

又（贈張彥功）

曉印霜花步。夢半醒。扶上雕鞍。馬嘶人去。嵐濕青絲雙轡冷。暖控野梅江路。聽畫角吹殘更鼓。悲壯寒聲撩客恨。甚貂裘。重擁愁無數。霜月白。照離緒。青樓回首家何處。早山遙。水闊天低。斷腸煙樹。誰念天涯牢落況。輕負暖煙濃雨。記酒醒。香銷時語。客裏歸轡須早發。怕天寒風急。相思苦。應看我。翠眉聚。

又（遊西湖）

睡覺啼鶯曉。醉西湖。兩峯日日。買花簪帽。去盡酒徒無人問。唯有玉山自倒。任拍手。兒童爭笑。一舸乘風翩然去。避魚龍。不見波聲悄。歌韻遠。喚蘇小。神仙路遠蓬萊島。紫雲深。參差禁樹。有煙花繞。人世紅塵西障日。百計不如歸。好付樂事與他年。

（時刻缺禁字非）

（時刻多去非）

少費盡柳金梨雪句。問沈香亭北何時召。心未愜。鬢先老。

又（平原納寵姬。奏方響席上賦。）

倦舞輪袍後。厭秦箏。鷓鴣未嫁。怨新懷舊。別有豔妝豪勢。樂春筇。微揎翠袖。試一曲琅璈初奏。莫放珠簾容易捲。怕人知。世有梨園手。雙臂冷。釧金瘦。燭花對翦。明於晝。正畫堂深。曲屏山。灰紅圍獸。□□□。依舊皺。□□□。爲囀柳。聽箭落銅壺。銀漏一片雄心天外去。爲聲清響微。雲霄透。人醉也。尙呼酒。

又

院宇重重掩。醉沈沈。亭陰轉午。繡簾高捲。金鴨香濃噴寶篆。驚起雕梁語燕。正架上。酴醿開遍。嫩萼梢頭舒素臉。似月娥初試宮妝淺。風力嫩。異香輭。佳人無意拈針線。繞朱闌。六曲徘徊。爲他留戀。試把芳心輕輕數。暗計歸期近遠。奈數了。依然重怨。把酒問春春不管。枉教人只恁空腸斷。腸斷處。怎消遣。

又（自跋云。去年秋。余試牒四明。賦贈老媼。至今天下與禁中皆歌之。江西人來。以爲鄧南秀詞。非也。）

老去相如倦。向文君說似而今。怎生消遣。衣袂京塵曾染處。空有香紅尙輓。料彼此魂銷腸斷。一枕新涼眠客舍。聽梧桐疏雨。秋風顫。燈暈冷。記初見。樓低不放珠簾捲。晚妝殘。翠蛾狼藉。淚痕流臉。人道愁來須殢酒。無奈愁深酒淺。但託意焦琴。紈扇。莫鼓琵琶江上曲。怕荻花楓葉。

俱淒怨。雲萬疊。寸心遠。

水龍吟

謫仙狂客何如。看來畢竟歸田好。玉堂無此。三山海上。虛無縹渺。讀罷離騷。案香猶在。覺人閒小。任菜花葵麥。劉郎去後。桃開處。皆多少。一夜雪迷蘭棹。傍寒溪欲尋安道。而今縱有。劉郎冰柱。有知音否。想見鸞飛如椽健筆。檄書親草。算平生白傅。風流未背。問香山老。

念奴嬌（同侍耶李大異）

知音者少。算乾坤許大。著身無處。直待功成方始退。何日可尋歸路。多景樓前。垂虹亭下。一枕眠秋雨。虛名相誤。十年枉費辛苦。不是奏賦明光。獻書北闕。無驚人之語。我自匆忙天未肯。贏得衣裙塵土。白璧堆前。黃金酬笑。付與君為主。尊鱸江上。浩然明日歸去。

滿江紅（同襄陽帥泛湖）

獵獵風蒲。畫船轉碧波灣浦。都不是。柳汀桃岸。橘洲梅渚。指點山公騎馬地。經由羊祜登山處。悄一如人在水晶宮。消神暑。薰風動。簾帷舉。秦箏奏。淩波舞。揜冰壺沈醉。晚涼歸去。侵岸一篙楊柳浪。過雲幾點荷花雨。倚樓人十里凭闌干。神仙侶。

又（高帥馮太尉席上）

敵面輕風。一兩點海棠微雨。春總在。英雄元帥。曉來遊處。樓閣萬家簾幕捲。江郊十里旌旗駐。

有黃鸝。白舌。嚙新聲。垂楊舞。寒食近。笙簫鼓。車馬鬧。銅鞮路。拚尊前一醉。與花爲主。風韻可將。闔障盡。笑談盡是文章。路問何如。如簫。滿赴江頭。陪羊祜。

水調歌頭（曉春）一作春牛

春事能幾許。密葉著青梅。日高花困海棠。風急想都開。不惜春衣典盡。只怕春光歸去。片片點蒼苔。能得幾時好。追賞莫徘徊。雨飄紅。風換紫。苦相催。人生行樂。且須痛飲莫辭杯。坐則高談。風片醉則恣眠芳草。醒後亦佳哉。湖上新亭好。何事不曾來。

又

刀劍出榆塞。鉛槧上蓬山。得之渾不費力。失亦匹如閑。未必古人皆是。未必今人俱錯。世事沐猴冠。老子不分別。內外與中間。酒須飲。詩可作。缺休彈。人生行樂何事。催彼鬢毛斑。達則牙旗金甲。窮則簞屨破帽。莫作兩般看。世事只如此。自有識鸞鸞。

祝英臺近（同妓遊帥府東園）

窄輕衫。聯寶樹。花裏控金勒。有底風光。都在畫闌側。日遲春暖融融。杏紅深處。爲花醉一鞭春色。對嬌質。爲我歌。捧瑤觴。歡聲動阡陌。似多情。飛上鬢雲碧。晚來約住青驄。踏花歸去。亂紅碎一庭風月。

又

笑天涯。還倦客。欲起病無力。風雨春歸。一日近一日。看人結束征衫。前呵騎馬。腰劍上隴西平策。鬢紛白。只可歸去家山。無田種瓜得。空抱遺書。憔悴小樓側。杜鵑不管人愁。月明枝上。直啼到枕邊相覓。

轆轤金井（席上贈馬食判舞姬）

翠眉重拂後房深。自喚小蠻嬌小。繡帶羅垂。報濃妝纔了。堂虛夜悄。但夜約鼓簫聲鬧。一曲梅花尊前舞徹。梨園新調。高陽醉山未倒。看鞦飛鳳翼。釵褪微溜。秋滿東湖。更西風涼早。桃源路。杳記流水泛舟曾到。桂子香濃。梧桐影轉。月寒天曉。

糖多令

（安遠樓小集。侑觴歌板之姬。黃其姓者。乞詞于龍洲道人。爲賦此糖多令。同柳阜之。劉去非。石民瞻。周嘉仲。陳孟參。孟容。時八月五日也。贈注重過武昌。糖一作唐。）

蘆葉滿汀洲。寒沙帶淺流。二十年重過南樓。柳下繫船猶未穩。能幾日。又中秋。黃鶴斷磯頭。故人曾到不。舊江山。渾是新愁。欲買桂花同載酒。終不似。少年遊。

臨江仙（四景）

半雨半晴模樣。乍寒乍熱天時。榴花香逐溼風飛。綠雲翻碧浪。水急轉前溪。誰知清涼意思。珊瑚枕冷先知。秋光預若借些兒。賸催金粟鬧。素魄好揚輝。

蝶戀花（贈張守龍姬）

簾幕聞聲歌已妙。一曲尊前。真個梅花早。眉黛兩山誰爲掃。風流京兆江南少。醉得白鬚人自老。□□候鯖。舊也曾年少。後夜短篷霜月曉。夢魂依約雲山繞。

謁金門（京口賦與歌者侑尊）

歸不去。船泊早春梅渚。試聽玉人歌白苧。行雲無覓處。翦燭寫詩無語。漠漠寒生窗戶。明日短篷眠夜雨。寶釵空半股。

又（秋興）

秋無惡。愁怯羅衾風弱。雨線垂垂晴又落。輕煙籠翠箔。休道旅人蕭索。生怕香濃灰薄。桂子莫愁孤酒約。詩情元落魄。

鷓鴣天

樓外雲山千萬重。畫眉人隔小簾櫳。風垂舞柳春猶淺。雪點酥胸暖未融。攜手處。又相逢。夜闌心事與郎同。一杯自勸羔兒酒。十幅銷金暖帳籠。

柳梢青（遊梅坡）

泛菊杯深。吹梅角遠。同在京城。聚散匆匆。雲邊孤雁。水上浮萍。教人怎不傷情。屈指人心幾人。後夜相思。塵隨馬足。自逐舟行。

好事近（詠茶筴）

誰斫碧琅玕。影撼半亭風月。尙有歲寒心在。留數根華髮。龍孫戲弄碧波濤。隨手清風發。灑到浪花深處。一甌香雪。

清平樂（贈妓）

忙惜惜地。一捻兒年紀。待道瘦來肥不是。宜著淡黃衫子。脣邊一點櫻多。見人頻斂雙蛾。我自金陵懷古。唱時休唱西河。

醉太平（國情·時刻醺酒夫）

情高意真。眉長鬢青。小樓明月調箏。寫春風數聲。思君憶君。魂牽夢縈。翠綃香暖雲屏。更那堪酒醒。

西江月（賀詞·或刻辛稼軒）

堂上謀臣檣俎。邊頭將士干戈。天時地利與人和。燕可伐與曰可。今日樓臺鼎鼐。明年帶礪山河。大家齊唱大風歌。同日四方來賀。

龍洲詞跋

改之家於西昌。自號龍洲道人。爲稼軒之客。爲小詞亦多相涵。如堂上謀臣尊俎之類是也。宋子虛稱爲天下奇男子。平生以氣義撼當世。其詞激烈。讀者感焉。花庵謂其詞學辛幼安。如別妾天仙子。詠畫眉。小桃紅。諸闕。稼軒集中能有此纖秀語耶。古虞毛晉識。

榮六十名家問